



Rudarska 65. 75000 Tuzla, BIH, Tel.: (+ 387) 35 369 401, Fax: 369 405, e-mail: minbp@tk.kim.ba, web site: www.vladatk.gov.ba

Na osnovu člana 20. Zakona o dopunskim pravima branilaca i članova njihovih porodica, drugi prečišćeni tekst, ("Službene novine Tuzlanskog kantona", broj: 10/20), člana 14. Odluke o utvrđivanju uslova, kriterija i postupka za dodjelu stipendija braniteljima i članovima njihove porodice ("Službene novine Tuzlanskog kantona", br: 16/15 i 2/18) i Odluke o terminu raspisivanja konkursa, broj: 15/1-04-000873-22 od 18.01.2022. godine, Ministarstvo za boračka pitanja Tuzlanskog kantona objavljuje

KONKURS

za dodjelu stipendija redovnim studentima dodiplomskog studija iz reda branilačke populacije Tuzlanskog kantona za studij u studijskoj 2021/2022 godini

I Korisnici prava po ovom Konkursu

Pravo na dodjelu stipendija po ovom Konkursu ima lice iz člana 20. Zakona o dopunskim pravima branilaca i članova njihovih porodica, drugi prečišćeni tekst ("Službene novine Tuzlanskog kantona", broj: 10/20, u daljem tekstu: Zakon), odnosno: dijete poginulog, umrlog i nestalog branioca, ratni vojni invalid, dobitnik ratnog priznanja i odlikovanja, demobilisani branilac, dijete ratnog vojnog invalida, dijete dobitnika ratnog priznanja i odlikovanja i dijete demobilisanog branioca (u daljem tekstu: kandidat) ukoliko imaju status redovnog studenta /studenta za vlastite potrebe dodiplomskog studija.

II Uslov za dodjelu stipendija

- (1) Pravo na dodjelu stipendije po ovom Konkursu **ima** kandidat pod uslovom da:
 - a) ima prijavljeno mjesto prebivališta na području Kantona, odnosno mjesto boravišta u statusu raseljene osobe na području Kantona,
 - b) je prije ostvarenog povratka u predratno mjesto prebivališta imao status raseljene osobe na području Kantona,
 - c) je u tekućoj godini prvi put upisao određenu godinu studija i
 - d) je redovan student visokoškolske ustanove dodiplomskog studija.
- (2) Studij na visokoškolskoj ustanovi obuhvata redovni studij prvog ciklusa Bolonjskog sistema studiranja koji se vrednuje sa najmanje 180 odnosno 240 ECTS bodova.

III Ograničenje prava na dodjelu stipendije

- (1) Pravo na dodjelu stipendije po ovom Konkursu **nema** kandidat koji :
 - a) studira na visokoškolskoj ustanovi u inozemstvu,
 - b) ima status studenta-apsolventa,
 - c) je korisnik subvencije za smještaj i ishranu u studentskom domu,
 - d) je u tekućoj studijskoj godini, na istom ili drugom fakultetu, ponovo upisao istu godinu studija,
 - e) već prima stipendiju po drugom osnovu,
 - f) je na vanrednom studiju i
 - g) živi u porodičnom domaćinstvu gdje se ostvaruju mjesečna novčana primanja po članu domaćinstva veća od 50,1% prosječne neto plaće ostvarene u Federaciji Bosne i Hercegovine (u daljem tekstu: Federacija), u prethodnoj godini prema podacima Zavoda za statistiku Federacije Bosne i Hercegovine (u daljem tekstu: Zavod), izuzev kandidata iz tačke V stav (1), tačke b), c) i d) ovog konkursa i
 - h) ima ostvaren prosjek ocjena ispod 3,5.
- (2) Pravo učešća po ovom konkursu nema kandidat čiji roditelj/ staratelj u sastavu Oružanih snaga nije proveo najmanje dvanaest mjeseci u periodu od 18.09.1991. godine do 22.04.1996. godine.
- (3) Pravo učešća po ovom konkursu nema ni kandidat koji ima navršenih 25 godina života, izuzev kandidata iz tačke V alineja b), c) i d).

(4) U slučaju da se naknadno utvrdi postojanje drugačijih činjenica iz ove tačke, kandidat se eliminiše iz daljnjeg postupka dodjele stipendije, a isplata već odobrene stipendije se obustavlja.

IV Kriteriji za dodjelu stipendija

- (1) Lista kandidata se utvrđuje na osnovu ostvarenog broja bodova utvrđenog po osnovu sljedećih kriterija:
- ostvarenog uspjeha u prethodno završenoj studijskoj godini,
 - imovinskog cenzusa,
 - branilačkog statusa,
 - ratnih priznanja i odlikovanja,
 - zdravstvenog stanja i
 - osvojenih nagrada i plaketa.

V Izbor kandidata bez bodovanja

- (1) Izuzetno od tačke IV ovog konkursa, pravo na dodjelu stipendije bez bodovanja ima:
- kandidat u statusu djeteta šehida-poginulog borca bez oba roditelja,
 - kandidat u statusu ratnog vojnog invalida,
 - kandidat u statusu dobitnika ratnog priznanja i odlikovanja,
 - kandidat u statusu demobilisanog branioca i
 - kandidat sa prosjekom ocjena iznad 9.00 u toku studiranja, odnosno 5,00 u prethodne četiri godine redovnog školovanja, ako je u pitanju student prve godine.
- (2) Kandidat iz stava (1) tačka a) i e) pravo na dodjelu stipendije bez bodovanja ima pod uslovom da živi u porodičnom domaćinstvu gdje se ostvaruju mjesečna novčana primanja po članu domaćinstva manja od 50,1% prosječne neto plaće ostvarene u Federaciji Bosne i Hercegovine (u daljem tekstu: Federacija), u prethodnoj godini prema podacima Zavoda za statistiku Federacije Bosne i Hercegovine (u daljem tekstu: Zavod).
- (3) Pod prosjekom ocjena iz stava (1) tačka e) ove tačke podrazumjeva se ukupan prosjek ocjena kandidata u toku studiranja, a u slučaju upisa prve godine fakulteta, prosjek ocjena iz prethodne četiri godine redovnog školovanja.

VI Prioritet za dodjelu stipendija

Ukoliko na listi dva ili više kandidata, imaju isti ukupan broj bodova, izuzev kandidata iz člana 7. Odluke, prednost po navedenom redosljedu ima:

- dijete poginulog, umrlog, nestalog branioca,
- student iz porodice RVI sa većim procentom invaliditeta,
- student iz porodice većeg ratnog priznanja i odlikovanja,
- student iz porodice DB sa dužim stažom učešća roditelja u OS,
- student sa većim prosjekom ocjena i
- student lošijeg materijalnog položaja.

VII Prava i obaveze Kandidata i način isplate sredstava

- (1) Kandidat koji ostvari pravo na stipendiju, obavezan je sa Ministarstvom zaključiti Ugovor o stipendiranju, u roku od 30 dana od dana isticanja Konačne liste na web stranici Vlade Tuzlanskog kantona.
- (2) Kandidat koji u navedenom roku ne potpiše ugovor, smatrat će se da je odustao od stipendije.

VIII Gubitak prava na stipendiranje

- (1) Korisnik stipendije gubi pravo na dalju isplatu, ako u toku studijske godine:
- bude upućen na izdržavanje kazne zatvora u trajanju dužem od tri mjeseca,
 - bude izrečena disciplinska mjera isključenja sa univerziteta,
 - ne upiše redovno semestar, što se dokazuje uvjerenjem,
 - po nekom drugom osnovu prestane mu status redovnog studenta,
 - počne da prima stipendiju od drugog davaoca stipendije, od dana početka primanja te stipendije i
 - naknadno se utvrdi da su prilikom prijave na konkurs od strane kandidata iznesene netačne činjenice (materijalno stanje kandidata i članova porodice, izjava da ne prima stipendiju iz drugog izvora, i dr).
- (2) Korisnik stipendije dužan je prijaviti svaku nastalu promjenu iz stava (1) ovoga člana.
- (3) U slučajevima iz ove tačke kandidat koji je potpisnik ugovora o stipendiranju, dužan je vratiti sav iznos primljenih sredstava, uz pripadajuću zakonsku kamatu, na način i u rokovima utvrđenim ugovorom.

(4) Stipendija se isplaćuje u ratama, ovisno od priliva sredstava u Budžet Kantona putem računa kandidata otvorenog kod banke, u skladu sa ugovorom o stipendiranju.

IX Potrebna dokumentacija

PRILOG 1. popis potrebne dokumentacije uz zahtjev za dodjelu stipendija braniocima i članovima njihovih porodica

(1) Kandidat prilaže sljedeću dokumentaciju, kako slijedi:

Redni broj:	Naziv dokumenta	Organ koji ga izdaje dokument
1.	zahtjev za dodjelu stipendije <u>redovnim studentima dodiplomskog studija</u> branilačke populacije Tuzlanskog kantona za studij u akademskoj 2021/2022 godini	Ministarstvo za boračka pitanja ili Nadležna gradska/općinska služba
2.	kućna lista kandidata u kojoj su navedeni svi članovi porodičnog domaćinstva, <i>(original ili ovjerena fotokopija)</i> ,	Nadležna gradska/općinska služba
3.	a) za članove PS-PB i RVI kopija prvostepenog ili revizionog rješenja (posljednje rješenje na snazi) b) za dobitnika ratnog priznanja i odlikovanja i dijete dobitnika najvišeg ratnog priznanja i odlikovanja, ukoliko nema status člana porodice šehida, poginulog, umrlog i nestalog branioca ili RVI ovjerena fotokopija rješenja o ostvarivanju prava na mjesečni novčani dodatak c) za DB i dijete DB dokaz o pripadnosti branilačkoj populaciji koji izdaje nadležni organ odbrane, <i>(dokumenti pod a), b) ili c) moraju biti dostavljeni kao original ili ovjerena fotokopija)</i>	Gradska/općinska služba za branilačko invalidsku zaštitu Federalno ministarstvo za pitanja boraca i invalida odbrambeno oslobodilačkog rata - Grupe za pitanja evidencije iz oblasti vojne obaveze
4.	dokaz o priznanjima u OS BiH <i>(original ili ovjerena fotokopija)</i> , <i>Napomena: Uz ovaj dokaz neophodno je dostaviti i dokaz iz tačke 3. u zavisnosti od pripadnosti boračkoj populaciji</i>	Federalno ministarstvo za pitanja boraca i invalida odbrambeno oslobodilačkog rata
5.	dokazi o zaposlenju i visini stalnih izvora prihoda za sve punoljetne članove porodičnog domaćinstva <i>(original ili ovjerena fotokopija)</i> : a) tri posljednje platne liste ovjerene potpisom i pečatom poslodavca ili uvjerenje poslodavca o visini posljednje tri mjesečne plate ili b) ček od PIO penzije ili c) za lica koja imaju registrovanu samostalnu djelatnost: - obrazac 2002 o plaćenim doprinosima, za posljednja tri mjeseca i - GPD i SPR obrasci godišnje prijave (u ovisnosti od vrste djelatnosti)	Porezna uprava FBiH, Ispostave Porezne uprave ili Poslodavac kod kojeg je zaposlenje ili PIO/MIO
6.	uvjerenje službe za zapošljavanje za sve nezaposlene članove domaćinstva, a ukoliko se isti ne vode na evidenciji službe za zapošljavanje, uvjerenje iz ispostave porezne uprave za sve nezaposlene članove domaćinstva kao dokaz o statusu nezaposlenosti, <i>(original ili ovjerena fotokopija)</i> ,	Služba za za zapošljavanje ili Porezna uprava FBiH Ispostave porezne uprave
7.	uvjerenje iz porezne uprave za punoljetnog kandidata i punoljetne članove domaćinstva o <u>oddatnim prihodima</u> <i>(original ili ovjerena fotokopija)</i> ,	Porezna uprava FBiH Ispostave porezne uprave
8.	uvjerenje o redovnom školovanju za sve članove porodičnog domaćinstva, navedene na kućnoj listi, koji se nalaze na redovnom školovanju <i>(original ili ovjerena fotokopija)</i>	Obrazovne ustanove

9.	uvjerenje o redovnom studiju (<i>original ili ovjerena fotokopija</i>)	Ustanove visokog/srednjeg obrazovanja
10.	uvjerenje sa utvrđenim prosjekom ocjena u prethodno završenoj studijskoj godini, a u slučaju upisa prve godine fakulteta prosjek ocjena iz prethodne četiri godine redovnog školovanja ili svjedočanstva o završenim razredima (<i>original ili ovjerena fotokopija</i>)	Ustanove visokog/srednjeg obrazovanja
11.	dokaz o osvojenim nagradama i priznanjima u školskim i nastavnim aktivnostima iz prethodne studijske godine (<i>original ili ovjerena fotokopija</i>)	Obrazovne ustanove
12.	dokaz o zdravstvenom stanju kandidata ili člana domaćinstva izdat od strane ovlaštene zdravstvene ustanove i stručnog tima - konzilijuma, <i>ne stariji od šest mjeseci</i> samo za sledeća oboljenja: <i>respiratorne bolesti</i> (bolesti pluća praćene trajnim oštećenjem respiratorne funkcije (sa vrijednostima FVC, FEV 1 I FEV 1- FVC ispod 40%, apsces pluća i medij astinuma, piotorax i respiratorni distress sindrom); <i>bolesti koštano - mišićnog sistema i vezivnog tkiva</i> (direktna infekcija zglobova kod infektivnih i parazitnih oboljenja, seropozitivni reumativni artitis kada je bolesnik nesposoban za bilo kakve aktivnosti ili vezan za postelju i invalidska kolica, ankilozirajući spondilitis, protruzija intervertebralnog diskusa praćene komplikacijama (težim funkcionalnim oštećenjem nerava, mišića, popuštanjem sfinktera) zahtjevaju intezivan i dugotrajan tretman, kao i bolesti koje uzrokuju ozbiljne funkcionalne smetnje i lokomotornog aparata, vežu bolesnika za postelju i trajno ga onemogućavaju u svakodnevnim radnim aktivnostima); <i>neuromišićne bolesti</i> (progresivna neuromišićna oboljenja, multipla skleroza, mijastenija gravis, epilepsija nekontrolisana ili rezistentna na terapiju i nezarazni encefalitis i encefalomijalitis); <i>specifična stanja koja zahtijevaju skupi i doživotni tretman</i> (transplantacije organa, transplantacija koštane srži, stanja poslije operativnih zahvata na srcu, mozgu i plućima koja zahtijeva duže bolničko liječenje, rehabilitaciju i intenzivni medikamentozni tretman) i <i>ostala oboljenja</i> (infarkt (srčani ili moždani), maligni tumori, mentalna retardacija i cerebralna paraliza, dokaz o o stanju poslije izvršenih operativnih zahvata, koje zahtijevaju duže bolničko liječenje, rehabilitaciju i intenzivni medikamentozni tretman za kandidata ili člana porodičnog domaćinstva izdat od strane ovlaštene zdravstvene ustanove i stručnog tima - konzilijuma, <i>ne stariji od šest mjeseci</i> , (<i>original ili ovjerena fotokopija</i>)	JZU UKC
13.	izjava da kandidat ne prima stipendiju po drugom osnovu ovjerenu od strane nadležnog općinskog organa uprave ili notara (<i>original</i>)	Nadležna gradska/općinska služba ili notar

(2) Udove koje koriste pravo na porodičnu PIO/MIO, pored čeka PIO/MIO **OBAVEZNE su dostaviti i dokaz o radno pravnom statusu-kumulativno (tačka 5. i 6.).**

(3) Uz dokumentaciju prilaže se i fotokopija žiro računa otvorene kod poslovne banke, na ime STUDENTA.

PRILOG 2.

popis potrebne dokumentacije uz zahtjev za dodjelu stipendija
IZUZETNO USPJEŠNIM STUDENTIMA
iz reda branioca i članova njihovih porodica

(2) Kandidat prilaže sljedeću dokumentaciju, kako slijedi:

Redni broj:	Naziv dokumenta	Organ koji ga izdaje dokument
1.	zahtjev za dodjelu stipendije redovnim studentima	Ministarstvo za boračka pitanja

	dodiplomskog studija branilačke populacije Tuzlanskog kantona za studij u akademskoj 2021/2022 godini	ili Nadležna gradska/općinska služba
2.	kućna lista kandidata u kojoj su navedeni svi članovi porodičnog domaćinstva, (<i>original ili ovjerena fotokopija</i>),	Nadležna gradska/općinska služba
3.	a) za članove PŠ-PB i RVI kopija prvostepenog ili revizionog rješenja (poslednje rješenje na snazi) b) za dobitnika ratnog priznanja i odlikovanja i dijete dobitnika najvišeg ratnog priznanja i odlikovanja, ukoliko nema status člana porodice šehida, poginulog, umrlog i nestalog branioca ili RVI ovjerena fotokopija rješenja o ostvarivanju prava na mjesečni novčani dodatak c) za DB i dijete DB dokaz o pripadnosti branilačkoj populaciji koji izdaje nadležni organ odbrane, (<i>dokumenti pod a), b) ili c) moraju biti dostavljeni kao original ili ovjerena fotokopija</i>)	Gradska/Općinska služba za branilačko invalidsku zaštitu Federalno ministarstvo za pitanja boraca i invalida odbrambeno oslobodilačkog rata- Grupe za pitanja evidencije iz oblasti vojne obaveze
4.	dokazi o zaposlenju i visini stalnih izvora prihoda za sve punoljetne članove porodičnog domaćinstva (<i>original ili ovjerena fotokopija</i>): a) tri posljednje platne liste ovjerene potpisom i pečatom poslodavca ili uvjerenje poslodavca o visini posljednje tri mjesečne plate ili b) ček od PIO penzije ili c) za lica koja imaju registrovanu samostalnu djelatnost: - obrazac 2002 o plaćenim doprinosima, za poslednja tri mjeseca i - GPD i SPR obrasci godišnje prijave (u ovisnosti od vrste djelatnosti).	Porezna uprava FBiH, Ispostave Porezne uprave ili Poslodavac kod kojeg je zaposlenje ili PIO/MIO
5.	uvjerenje iz porezne uprave za punoljetnog kandidata i punoljetne članove domaćinstva o <u> dodatnim prihodima</u> (<i>original ili ovjerena fotokopija</i>),	Porezna uprava FBiH Ispostave porezne uprave
6.	uvjerenje službe za zapošljavanje za sve nezaposlene članove domaćinstva, a ukoliko se isti ne vode na evidenciji službe za zapošljavanje, uvjerenje iz ispostave porezne uprave za sve nezaposlene članove domaćinstva kao dokaz o statusu nezaposlenosti, (<i>original ili ovjerena fotokopija</i>),	Služba za zapošljavanje ili Porezna uprava FBiH Ispostave porezne uprave
7.	uvjerenje o redovnom školovanju za sve članove porodičnog domaćinstva, navedene na kućnoj listi, koji se nalaze na redovnom školovanju (<i>original ili ovjerena fotokopija</i>)	Obrazovne ustanove
8.	uvjerenje o redovnom studiju (<i>original ili ovjerena fotokopija</i>)	Ustanove visokog obrazovanja
9.	uvjerenje sa utvrđenim prosjekom ocjena u svim prethodno završenim godinama studiranja a u slučaju upisa prve godine fakulteta odnosno srednje škole prosjek ocjena iz prethodne četiri godine redovnog školovanja ili svjedočanstva o završenim razredima (<i>original ili ovjerena fotokopija</i>)	Ustanove visokog obrazovanja
10.	izjava da kandidat ne prima stipendiju po drugom osnovu ovjerenu od strane nadležnog gradskog/općinskog organa uprave ili notara (<i>original</i>),	Nadležna gradska/ općinska služba ili notar

(2) Udove koje koriste pravo na porodičnu PIO/MIO, pored čeka PIO/MIO **OBAVEZNE su dostaviti i dokaz o radno pravnom statusu-kumulativno (tačka 4. i 6.)**.

(3) Uz dokumentaciju prilaže se i fotokopija žiro računa otvorene kod poslovne banke, na ime STUDENTA.

X Rokovi za podnošenje zahtjeva

(1) Rok za podnošenje prijava po ovom Konkursu je 15 dana od dana objavljivanja na web-stranici Vlade Kantona, odnosno od **24.01.2022. - 08.02.2022. godine (utorak)**.

(2) Činjenice i dokazi iz dostavljenih prijava uzimaju se u razmatranje onakve kakve su postojale u momentu - danu zaključenja Konkursa. **Dokumentacija dostavljena nakon roka za podnošenje prijava iz stava (1) ove tačke, neće se uzimati u obzir kao validna u postupku po prigovoru.**

(3) Popunjeni jednoobrazni zahtjev, sa potrebnom dokumentacijom, podnosi se u zapečaćenoj koverti putem pošte ili na pisarnicu Zajedničkih službi kantonalnih organa na adresu: Tuzlanski kanton, Ministarstvo za boračka pitanja Tuzlanskog kantona, Rudarska broj: 57., 75 000 Tuzla, [sa naznakom] "Prijava na Konkurs za dodjelu stipendija studentima branilačke populacije Tuzlanskog kantona za akademsku 2021/2022 godinu"

(4) Ministarstvo po službenoj dužnosti za sve kandidate pribavlja dokaz o korištenju prava na subvencioniranje troškova smještaja i ishrane u studentskim domovima na području Bosne i Hercegovine.

(5) Obrazac zahtjeva, spisak potrebne dokumentacije i izjavu zainteresovan kandidat može preuzeti:

- sa web stranice Vlade Tuzlanskog kantona,
- u gradskoj /općinskoj službi za branilačko invalidsku zaštitu i
- u kantonalnim branilačkim savezima i udruženjima.

Nepotpuni i neblagovremeni zahtjevi neće se razmatrati.

MINISTARSTVO ZA BORAČKA PITANJA